

QL

QUARTA LINGUA

Cunquai che corona ha era l'onn 2021 influenzà il mintgadi, ha la radunanza generala danovamain giù lieu per via circulara. L'onn da rapport èn stadas sin il program las elecziuns da renovaziun. Suenter 16 onns cun blers buns inputs en la suprastanza, da quai diesch onns sco copresident, è Kaspar Silberschmidt sa retratg. Er Ivana Cabalzar n'è betg pli stada a disposiziun per las elecziuns. Nus engraziain ad els dus per lur grond engaschament. Cun Gion Fry, Leander Etter ed Othmar Caduff avain nus chattà ed elegì successurs engaschads.

Ils 8 da fanadur 2021 ha giù lieu in'occurrenza online da la Quarta Lingua (QL). L'actur rumantsch René Schnoz ha dà pled e fatg via Zoom oravant tut en connex cun sia rolla sco policist en la seria-web rumantscha «La metta da fein». La QL è era vinvant activa sin ses chanal da Facebook.

En l'albiert per la giuventetgna a Laax ha la QL surdà ils 23 da november 2021 als Albierts da giuventetgna svizzers il premi da CHF 10'000.– per la «Sutga Rumantscha». Cun quest import vul ella pussibilitar la realisaziun d'in nov project. Quel duai intermediar a moda creativa e duraivla la lavour culturala rumantscha en las ulteriuras regiuns linguisticas e/u promover la preschientscha da las Rumantschas e dals Rumantschs da la diaspora en il spazi public. Cun la «Sutga Rumantscha» è quai reussì bain.

La suprastanza da la QL è sa radunada l'onn da rapport per trais sedutas fisicas.

Confurm a sia incumbensa da promozion ha la QL approvà las suandardas dumondas per ina contribuzion ed accordà las summas sco suonda:

- collavurazion Opera Engiadina	CHF 2'000.--
- ediziun da giubileum da la retscha litterara «Nies Tschespet»	CHF 1'000.--
- Graphic Novel Ediziun Apart: Gabriel de Gabrieli ed il Gabrielor	CHF 1'000.--
- Martin Cantieni: app Dicziunaris	CHF 1500.--
- Dis da litteratura 2021 a Domat	CHF 1500.--
- Sabrina Bundi e Michel Decurtins: Il Crestomat, versiun stampada	CHF 1000.--

A las sedutas dal cussegl da la Lia Rumantscha (LR) ha prendì part danovamain Michele Badilatti. A la radunanza da delegadas e delegads da la LR l'october 2021 a Sent èn stads preschents Petra Camathias, Otmar Caduff e Leander Etter. Els han engrazià al president partent da la LR, Johannes Flury, ch'è s'engaschè durant sis onns per la Rumantschia e quai senza indemnisiun. Era sin questa via anc ina giada in grond grazia fitg!

Suprastanza

presidenta	Petra Camathias Nathalie Killias Bettina Vital Michele Badilatti Valeria Badilatti Gion Fry Leander Etter Otmar Caduff
------------	---